

ՔԱՆԱՔԵՌԻ ԵՆԹԱՔԱՐԲԱՌԻ ՁԵՎԱՔԱՆԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐԸ

2. Ս. ԽԱՉԱՏՐՅԱՆ

Հայերեն բարբառների և խոսվածքների ուսումնասիրությունը առաջնահերթ նշանակություն ունի հայոց լեզվի պատմության պրոբլեմների լուծման, ինչպես նաև ընդհանուր լեզվաբանության համար: Կուլտուրայի աննախընթաց վերելքի և զրագիտության լայն տարածման հետևանքով բարբառների արագ մահացումը այն զարձեռում է առավել անհետաձգելի:

Ուսումնասիրությունից պարզվում է, որ Արարատյան բարբառի Քանաքեռի ենթաբարբառով են խոսում հին Քանաքեռի և Զրվեժ գյուղի բնակիչները: Այժմ, երբ նախկին Քանաքեռ գյուղը միացել է Երևանին, Հայաստանի տարբեր շրջանների այլևայլ բարբառների ներկայացուցիչների հետ ունեցած շփումը, ինչպես նաև զրական լեզվի մեծ ազդեցությունը, արագությամբ փոխում են քանաքեռցիների խոսակցական լեզուն, և կարճ ժամանակից հետո անհնարին կգառնա նրա ուսումնասիրությունը:

Ստորև ներկայացնում ենք Քանաքեռի ենթաբարբառի ձևաբանական բնորոշ առանձնահատկությունները:

Գ Ո Յ Ա Կ Ա Ն Ա Ն Ո Ւ Ն

Հոգնակիի կազմությունը

Արարատյան բարբառի Քանաքեռի ենթաբարբառում հոգնակին կազմվում է հիմնականում էր, նէր և ֆ մասնիկներով:

Էր մասնիկով է կազմվում բոլոր միավանկ բառերի հոգնակին. այսպես՝ կուժ — կըժեր, ճանճ — ճանչէր, հաց — հացէր և այլն:

Գրաբարում վերջնաձայն ն ունեցող բառերում, որոնց վերջին ն-ն խոսվածքում ընկել է, հոգնակի թվում այն պահպանվում է, այսպես. բռն > պէռ — պէռնէր, գառն > կառ — կառնէր և այլն: Այս օրինաչափությունից բացառվում է միայն երեք բառ՝ կաթն > կաթ — կաթէր, կամն > կամ — կամէր, որոն > վօռթ — վօռթէր:

Նէր մասնիկով է կազմվում՝ մեկուկէս և բազմավանկ բառերի հոգնակին. այսպես՝ ականջ > անգաջ — անգաջնէր, արջառ > աշառ — աշառնէր, լեզու > լիզու — լիզվընէր, կատու — կատվընէր և այլն:

Ք մասնիկով կազմվում են.

ա) Հին հայերենում այ բրկհնչյունով վերջացող բառերը. (այ-ը երկբարբառային դիրք զրավելով հնչյունափոխվում է է-ի). այսպես՝ երեխայ — երեխայք > ըրէխէք, չուխայ — չուխայք > չուխէք, փեսայ — փէսայք > փէսէք և այլն:

բ) Ի՞նչպես կազմվում է վերջացող բազմավանկ բառերը. ինչպես՝ ածելի > առծրլի — առծրլիք, ոսկի > վօսկի՛ր — վօսկի՛րք, հայելի > հայլի — հայլիք և այլն:

Մանր. — 1. Ընտանիքի, տոհմի, գերդաստանի իմաստ արտահայտող բառերը հոգնակիում ստանում են էնֆ մասնիկը. ինչպես՝ Ըստեփանէնք, Օբյուղէնք, Նաղաշէնք և այլն:

Մանր. — 2. Այն բառերը, որոնց վերջի Բ-ն չի գիտակցվում իբրև հոգնակերտ մասնիկ, հոգնակիում ստանում են նլ բաժնիկը. ինչպես՝ բանալի > պլանիք — պլանիքներ, մատանի > մաննիք — մաննիքներ, կամ մաննրքներ և այլն:

Մանր. — 3. Մարդ > մառթ և կին > կրնիգ բառերի հոգնակին կազմվում է իֆ (անիք) մասնիկով, ինչպես՝ մառթ — մառթիք, կրնիգ — կրնանիք:

Մանր. — 4. Աղջիկ > ախչիգ բառը հոգնակի թվում ունեցած էր մասնիկի հոգնական իմաստի մթագնման հետևանքով ստացել է լրացուցիչ ֆ հոգնակերտը՝ ախչիգ — ախչիգէրք:

Վերը նշված սովորական ձևերից բացի, խոսվածքում կան նաև մի քանի այլ հոգնակերտ մասնիկներ, որոնք ընդհանուր գործածություն չունեն. դրանք են՝ ան, անֆ, վանֆ, ասնֆ, տինֆ, օնֆ:

Հոլովներ և նրանց կազմությունը

Քանաքեռի ենթաբարրառն ունի յոթ հոլով՝ ուղղական, սեռական, տրական, հայցական, բացառական, գործիական և ներգոյական:

Ուղղական հոլովը ենթակայի հոլովն է: Սեռական և տրական հոլովներում բառերը, բացի դերանուններից, ունեն միևնույն վերջավորությունը, այն տարբերությամբ միայն, որ տրական հոլովում որոշիչ հոգ են ընդունում, իսկ սեռականում՝ ոչ: Հայցական հոլովի վերջավորությունը ձևով նման է ուղղական կամ տրական հոլովներին, ըստ որում՝ անձ ցույց տվող որոշյալ առում ունեցող բառերի հայցականը նման է տրականին: Բացառական հոլովը կազմվում է իյ վերջավորությամբ: Գործիականի վերջավորությունը օվ-ն է, ինչպես գրական հայերենում, իսկ ներգոյականին՝ ըմ: Ներգոյականի իմաստը մի շարք բառերում արտահայտվում է նաև մէջ ետադրությամբ, որը կազմվում է բառի սեռական հոլովից:

Հոգնակի թվում հոլովական վերջավորությունները նույնն են:

Հ ո լ Վ ու մ

Ենթաբարբառիս համար հատկանշական են երկու կարգի հոլովումներ՝ արտաքին՝ ի, ու, ան, ա, վա, օչ (օնչ), ց և ներքին՝ օ, ա:

Արտաքին հոլովումներ

Ի հոլովում — Քանաքեռի ենթաբարբառում ևս ի-ն ամենատարածված և կենսունակ հոլովումն է, և բառերի մեծ մասը պատկանում է այդ հոլովման:

Վերջավորություններն են՝ եզակի սեռական-տրական ի, հայցականը ձևով նման է ուղղականին՝ իրի առման դեպքում, և տրականին՝ անձի առման դեպքում. բացառական՝ ից, գործիական՝ օվ, ներգոյական՝ ըմ:

Հոգնակի սեռական-տրական ի, հայցականը ձևով նման է ուղղականին կամ տրականին, բացառականը՝ ից, գործիականը՝ օվ, ներգոյական՝ ըմ:

Մանրություն — Անձի առմամբ օգտագործվող բառերը, ինչպես և կենդանիների անունները ներգոյական հոլով չունեն:

Ի հոլովմամբ են հոլովվում հոգնակի թվում բոլոր գոյականները և գոյականաբար գործածված այլ խոսքի մասերը:

Այս հոլովման են պատկանում նաև.

ա) Գրաբարում ալ երկբարբառով վերջացող այն բառերը, որոնք ենթաբարբառումս կորցրել են յ ձայնորգը. ինչպես՝ փեսայ > փեսա — փեսի, տղայ > տղա — տղի, գուլպայ > գյուլբա — գյուլբի և այլն:

բ) Ու-ով վերջացող բառերը՝ կատու — կատվի, առու — առվի և այլն:

գ) Բոլոր անձնանունները՝ Անուշ — Անուշի, Խօսրով — Խօսրովի, Պէդոս — Պէդոսի և այլն:

դ) Փոխառյալ բառերը՝ դուշմանի, իշտահի, գավալի և այլն:

Հարակատար և ենթակայական դերբայները գոյականաբար գործածվելիս նույնպես հոլովվում են ի հոլովմամբ:

Ու հոլովում — Վերջավորութուններ. եզակի սեռական-տրական՝ ու, հայցականը ձևով նման է ուղղականին կամ տրականին, բացառական՝ ուց, գործիական՝ օվ, ներգոյական՝ րմ:

Հոգնակի սեռական — տրական՝ անց, օնց, ի. բացառական՝ ից, գործիական՝ օվ, ներգոյական՝ րմ:

Այս հոլովմամբ են հոլովվում.

ա) Ի ձայնավորով վերջացող բառերը. այգի > իք՛ի, հոգի > հոք՛ի, ձի > ձի, գարի > կարի, գինի > կ՛ինի և այլն:

բ) Որտեղացի ցույց տվող բառերը՝ դարաբախցի, քանաքըոցի և այլն:

գ) Բայի անորոշ դերբայը:

դ) Լուսաւորիչ > լուսավօրիչ բառը:

Ան հոլովում — Վերջավորութուններ. եզակի սեռական-տրական՝ ան, հայցականը՝ ուղղականի և տրականի նման, բացառական՝ ից, գործիական՝ օվ, ներգոյական՝ րմ. հոգնակի սեռական-տրական՝ ի. հայցականը՝ ուղղականի նման, բացառական՝ ից, գործիական՝ օվ, ներգոյական՝ րմ:

Այս հոլովման են պատկանում գրաբարում և վերջնահանգ ունեցող բառերի մեծ մասը. դուռն > տուռ — տրուան, թոռն > թօռ — թօռան, մուկն > մուկ — մրկան, ձուկն > ծուգ — ծըգան և այլն:

Ա հոլովում — Այս հոլովմամբ են հոլովվում ախշիդ, կընիգ, աստօծածին, Քանաք՛էռ, Ալափարս բառերը:

Վա հոլովում — Վերջավորութուններ. եզակի սեռական-տրական՝ վա, հայցականը՝ ուղղականի նման, բացառական՝ ից, գործիական՝ օվ, ներգոյական՝ րմ:

Հոգնակի սեռական-տրական՝ ի, հայցականը՝ ուղղականի նման, բացառական՝ ից, գործիականը՝ օվ, ներգոյականը՝ րմ:

Այս հոլովմամբ են հոլովվում ժամանակ ցույց տվող բառերը, տարի, ամիս, օր, գիշեր > քըշէր, ցէրէգ, ձմեռն > ծըմէռ, ամառ, աշունք, կարունք. (Ուրբաթ բառը հոլովվում է ի հոլովմամբ), ինչպես նաև հմիդ < հիմա բառը:

Ոչ (օնչ) հոլովում — Վերջավորութուններ. եզակի սեռական-տրական՝ ոչ (օնչ), հայցականը՝ ուղղականի և տրականի նման, բացառական՝ ից, գործիական՝ օվ, ներգոյական՝ րմ:

Հոգնակի սեռական -տրական՝ ի, հայցական՝ ուղղականի կամ սեռականի նման, բացառական՝ ից, գործիական՝ օվ:

Այս հոլովմամբ հոլովվում են միայն տէր և տանտէր բառերը։
 8 ճոլովում — Վերջավորություններ. հոգնակի սեռ.- տրական զ, հայցա-
 կանը՝ տրականի նման, բացառական՝ ից. գործիական՝ օվ, ներգոյական՝ րմ։
 Այս հոլովմամբ հոլովվում են ազգակցական կապ, տոհմ, ընտանիք ցույց
 տվող բառերը։

Ներքին ճոլովներ

Ո հոլովում — Այս հոլովման են պատկանում ազգակցություն ցույց տվող՝
 մայր > մէր, հայր > հէր, սանամայր > սանամէր, եղբայր > ախպէր,
 քոյր > ք'իւր, մորաքոյր > մօր ք'իւր, ինչպես նաև՝ տայգր > տէքըր, աներ >
 անէր, սկեսուր > կ'էսուր բառերը։

Սրանց առանձնահատկությունն այն է, որ սեռական-տրական հոլովները
 կազմվում են ոչ թե վերջավորությունների հոլովմամբ, այլ վերջնականի
 ձայնավորի փոփոխմամբ։

Ա հոլովում — Այս հոլովմանն են ենթարկվում գրաբարում ութին, իսկ
 խոսվածքում՝ ըթյուն ածանցով վերջավորվող բառերը՝ գողութին > կօղը-
 թյուն, ուրախութին > ուրախրթյուն, մարդութին > մաոթըթյուն, ինչպես
 նաև տուն ու շուն բառերը, որոնք իրականում հին հայերենի ներքին ա հո-
 լովման մնացորդներն են ենթաբարձրումս։

Հ Ո Դ

Քանաքեռի ենթաբարձրում իբրև որոշիչ հոդ գործածվում է ը և ն։
 Արդի հայերենի նման ը-ն դրվում է, երբ բառը վերջանում է բաղաձայնով։
 իսկ ձայնավորով վերջացող բառերն ստանում են ն հոդը։

Բացի սեռական հոլովից, մնացած բոլոր հոլովները կարող են հոդ ըն-
 դունել։

Իբրև անորոշ հոդ գործածվում է մի անորոշ դերանունը. այսպես, օրի-
 նակ՝ մի աշտարակցի է՝ թըմ ա Արա՝րան։ Մի մառթ ու մի կընիդ՝ էն ըլըմ։

Որպես ստացական հոգեբ գործածվում են առաջին դեմքի համար՝ ս, իսկ
 երկրորդ դեմքի համար՝ տ (դ)։

Երբ բառը վերջանում է ձայնավորով, ս, տ ստացական հոդերը դրվում
 են ձայնավորից անմիջապես հետո, ինչպես՝ ծիս «իմ ձին», հօք՝իս «իմ հո-
 դին», իք՝իս «իմ այդին» և այլն։

Բաղաձայնով վերջացող բառերի հետ ստացական հոդերը միանում են ը
 ձայնավորով. ինչպես՝ կրլուխըս «իմ գլուխը», մէշկըս «իմ մեջքը», հէըրս
 «իմ հայրը» և այլն։

Ստացական հոդերը գործածվում են նաև հոգնակի ձևերի հետ՝. օրինակ՝
 արնէըրս «իմ աները», ծէոք՝էըրտ «քո ձեռքերը», վօննէըրս «իմ ոտները»
 և այլն։

ԱՇԱԿԱՆԻ ՀԱՄԵՄԱՏՈՒԹՅԱՆ ԱՍՏԻՃԱՆՆԸՐԸ

Որակական ածականներն ունեն համեմատության երեք աստիճան՝ դրա-
 կան, բաղդատական և գերադրական։

Ածականի դրսւկան աստիճանը նույնն է, ինչ արդի հայերենում։ Օրինակ՝
 մէնձ տրդա, կարմիր արէվ, կանանչ տերէվ, խէլքօվ մառթ և այլն։

Բաղդատական աստիճանը կազմվում է հետևյալ եղանակներով. ա) համեմատվող առարկան դրվում է բացառական հոլովով, իսկ ածականը մնում է անփոփոխ: Օրինակ՝ իմ տղեն քու ախշրկանիցը մէնձ ա: Մէր իք'ին ծէր իքուցը լավն ա:

բ) Գործածվում են ֆանց, ֆանց լը շաղկապները ուղղական հոլովով դրված զոյականի հետ. ինչպես՝ Մէր տունը մէնձ ա, քանց ծէրը: Իմ ըրէխէն սիրուն ա, քանց թէ քունը:

գ) Իմաստը սաստկացնելու համար ավելացվում են ղընա, ավէլի բառ-մասնիկները. այսպես՝ Իմ տղեն քու ախշրկանիցը դրհա մէնձ ա: Մեր իքյին ծէր իքուցը ավէլի լավըն ա:

Գերադրական աստիճանը կազմվում է.

ա) Ամէն բառը ածականին կցելու միջոցով. ինչպես՝ Ամէնահաստ փէտը էս ա: Ամենամէնձ տղեն էթըմ ա: Ամէնավաղ մառթը տու յէս:

բ) Ամէն բառը, կամ նրան համապատասխան բըրաղի բառը բացառական հոլովով գործածելով. ինչպես՝ Ամէնից մէնձ տղեն էթըմ ա: Ամէնից սիրունը պուճուր ախշիդըն ա: Բըրադնից մէնձ տղեն տու յէս: Բըրադնից պանցըր ծառը էս ա:

ԹՎԱԿԱՆՆԵՐ

Քանակական թվականներն են. մէդ, էրկու, իրէք, չօրս, հինդ, վէց, օխտը, ութը, ինը, տաս, քսան, յէսսուն, քառսուն, իցցուն, վացցուն, օխտանասուն, ութանասուն, իննսուն, հարիր, հազար, միլյոն: Տասնավորից և միավորից կազմված բարդ թվերում տասնավորը նախադաս է լինում:

Տասն > տաս բառի ն-ն բարդությունների մեջ վերականգնվում է, բացառությամբ տասչօսս բառի:

Բաղաձայնով սկսվող միավորից առաջ, իբրև հոդակապ, լսվում է ր, ինչպես՝ տասնմէկ > տասնմէդ, տասներկու > տասներկու, տասներեք > տասնիրէք, տասնհինգ > տասնըհինգ, տասնվեց > տասնըվէց, տասնյոթ > տասնօխտ և այլն:

Բացի տասն > տաս բաղադրիչով կազմվածներից, մյուսներում տասնավորի սան, սուն, ցուն խմբերը բարդության մեջ մտնում են անփոփոխ ձևով, ինչպես՝ քսանմէդ, յեռսունիրէք, քառսունչօսս, իցցունիրէք, վացցունօխտը և այլն:

Հարյուրավորները կազմվում են միավորի և հարիր > հարիր բառի հարադրությամբ. այսպես՝ էրկու հարիր, իրէք հարիր և այլն:

Հարիր > հարիրը և հազար > հազարը միավորի հետ միանում են առանց հոդակապի. ինչպես՝ հարիր մէդ, հարիր չօսս և այլն:

Չափ ցույց տվող թվականները կազմվում են նօց, անօց մասնիկները քանակականներին միացնելով, ինչպես՝ մէդանօց, էրդրսնօց, իրէքանօց, չօսնօց, հրնդանօց:

Վանաքեռի ենթաբարբարում դասական թվականներ չկան, դրանց փոխարեն օգտագործվում են քանակական թվականներ: Վերջին շրջանում, դրական լեզվի ազդեցությամբ օգտագործվում են յէդրօրթ, յէրօրթ, վէցէրէօրթ և այլն ձևերը:

Բաշխական թվականները կազմում են քանակական թվականների կրրկնությամբ, ինչպես՝ մէդ — մէդ, էրկու — էրկու, իրէք — իրէք և այլն:

Քաղաքապետական թվականները կադմվում են քանական թվականների և հետ րաոի հարադրությամբ, այսպես՝ մի հետ, էրկու հետ և այլն:

Դ Ե Ր Ա Ն Ո Ի Ն

Անձնական դերանուններն են՝ յէս, տու, նա, ինքը, մէնք, տուք, ընդօնք, իրանք: Սրանք հոլովվում են այսպես.

ուղղ.	յէս	մէնք	տու	տուք	նա	ընդօնք
սեռ.	իմ	մէր	քու	ծէր	ընդըրտ	ընդօնց
տրակ.	ինձ	մէզ	ք'էզ	ծէզ	ընդըրան	ընդօնց
հայց.	ինձ	մէզ	ք'էզ	ծէզ	ընդըրան	ընդօնց
բաց.	ընձանից	մէզնից	ք'էզանից	ծէզտնից	ընդըրանի(ց)	ընդօնցից
գործ.	ընձանօվ	մէզնօվ	ք'էզնօվ	ծէզնօվ	ընդըրանօվ	ընդօնցօվ
ներգ.	ընձանրմ	մէզնրմ	ք'էզանրմ	ծէզանրմ	ընդըրանրմ(ը)	ընդօնցրմ(ը)
ուղղ.				ինքը	իրանք	
սեռ.-տրակ.	հայց			իրան	իրանց	
բաց.				իրանից	իրանցից	
գործ.				իրանօվ	իրանցօվ	
ներգ.				իրանրմ	իրանցրմ (ը)	

Ցուցական դերանուններն են՝ էս, էտ, էն, որոնք գոյականի հետ իբրև ածական գործածվելիս չեն հոլովվում, բայց առանձին, որպես ինքնուրույն դերանուն գործածվելիս հոլովվում են:

ուղղ.	էս	էտ	էն	սըրանք	տըրանք	ներանք
սեռ.-տր.	սըրա(ն)	տըրա(ն)	ընգըրա(ն)	սըրանց	տըրանց	ներանց
հայց.	էս	էտ	էն	սըրանք	տըրանք	ներանք
բաց.	սըրանի	տըրանի	ընդրանի	սըրանցի	տըրանցի	ներանցի
գործ.	սըրանօվ	տըրանօվ	ընդրանօվ	սըրանցօվ	տըրանցօվ	ներանցօվ
ներգ.	սըրանրմ	տըրանրմ	ընդըրանրմ	սըրանցրմ	տըրանցրմ	ներանցրմ

Մեզ էլ, մեզ'իշէր, էսքան, էտքան, էնքան, ինչպես նաև՝ ըստէդ, ըստէ. ընդէ տեղ ցույց տվող ցուցական դերանունները հոլովվում են ի հոլովման պատկանող գոյականների նման:

Իբրև ստացականներ գործածվում են անձնական դերանունների սեռականները՝ իմ, քու, ընդըրա, իրան, մէր, ծէր, ընդօնց:

Ստացականների հետ հանդես եկող գոյականները միշտ ունենում են ը կամ ն հոգր:

Ստացական դերանունները գոյականաբար գործածվելիս հոգ են ստանում և հոլովվում ի հոլովմամբ:

Ստացական դերանունները կարող են փոխարինվել հոգերով, առաջին դեմքի համար՝ ս, երկրորդ դեմքի համար՝ տ, այսպես՝ իմ հէլը — հէլըս, քու կ'էսուրը — կ'էսուրըտ:

Մէր, ծէր ստացական դերանունների փոխարեն գործածվում է նէրըս. նէրիտ, որոնցից առաջ բաղաձայնով վերջացող բառերի վրա ավելանում է ը, ինչպես՝ իք'ինէրրս «մեր այգին կամ այգիները», աշկընէլըս «մեր աշքերը» և այլն:

Հարաբերական դերանուններն են՝ օվ, վօր, վօրը, ինչը, քանիսը, վօրտէ, վօնց (ինչպես), քանի, ուր, յէփ «եբբ», վօրդիյան «որտեղից», որոնցից հոլովում են միայն օվ, վօրը, ինչը, վօրտէ, քանիսը, մնացածները չեն հոլովում:

Հարցական դերանուններն են՝ օ՞վ, ի՞նչ, վօ՞րը, քանի՞սը, վօ՞րտէ, վօ՞նց «ինչպե՞ս», քանի՞, ո՞ւր, յէ՞փ «ե՞բբ», վօ՞րդիան «որտեղից»:

Հարցական դերանունները հոլովում են հարաբերական դերանունների նման:

Փոխադարձ դերանուններն են՝ իրար, մէգը, մէգ՛ի, Որոշյալ դերանուններն են՝ ամէնքը, մէգ՛էլը, մէգ՛էլնէրը, ամէն մէղը որոնք հոլովում են ի հոլովմամբ:

Անորոշ դերանուններն են՝ մինը, ուրիշը:

Ժխտական դերանուններն են՝ ըսկ'ի (ոչինչ), ըսկ'ի դադ (ոչ մի բան), մինն էլա (ոչ մեկը):

Ք Ա Յ

Դերբայներ

Դերբայները Քանաքեռի ենթաբարբառում հետևյալներն են՝ անորոշ, անկատար, վաղակատար, հարակատար, ենթակայական, ժխտման, Բացակայում է ապառնի դերբայը:

Անորոշ դերբայն ունենում է իլ. ալ վերջավորությունները, որոնք գոյականաբար գործածվելիս հոլովում են ու հոլովմամբ: Իլ վերջավորվող բայերի ինն դասում է է, ինչպես՝ կըրիլ — կրէլու, ուտիլ — ուտէլու, խըմիլ — խըմէլու և այլն:

Անկատար դերբայը բայի բաղադրյալ ժամանակների մէջ լինում է սահմանական եղանակի ներկա և անցյալ անկատար ժամանակների կաղմության բաղադրիչ: Այն մշտապես ունենում է ըմ և, միայն գալ և տալ բառերում՝ իս վերջավորությունը:

Վաղակատար դերբայի վերջավորությունն է՝ իլ խոնարհման բայերի համար՝ էլ (եալ), իսկ ալ խոնարհման, ինչպես նաև սոսկածանցավոր բայերի համար՝ ացէլ (ացեալ), որոնք բոլորն էլ ավելանում են բայահիմքերին:

Վաղակատար դերբայով և օժանդակ բայերի հարադրությամբ կաղմում են սահմանական եղանակի վաղակատար և անցյալի վաղակատար ժամանակները:

Հարակատար դերբայի վերջավորությունն է՝ իլ խոնարհման համար ած, ալ խոնարհման և սոսկածանցավոր բայերի համար՝ ացած >, ինչպես՝ աղազած, կրրած, խրմած, կրնացած:

Հարակատար դերբայի օժանդակ բայի հարադրությամբ կաղմում է սահմանական եղանակի հարակատար ժամանակները: Այս դերբայը՝ գոյականի վրա դրվելով, օգտագործվում է իբրև որոշիչ:

Ենթակայական դերբայի վերջավորությունն է՝ օղ, ացօղ, որն ավելանում է բայահիմքին. ինչպես՝ պէրօղ, կրնացօղ և այլն:

Իր կաղմությամբ ացօղ մասնիկը նույնպես բաղադրված է անցյալի հիմքի ազ վերջավորությունից և ենթակայական դերբայի օղ մասնիկից:

Այս դերբայը բայի եղանակային ձևերում հանդես չի դալիս: Նրա կիրառությունը արդի հայերենի նման է. գոյականաբար ղործածվելիս հոլովվում է ի հոլովմամբ:

Ժխտման դերբայը կազմվում է անորոշ դերբայի չ վերջավորության անկմամբ: Այն հանդես է դալիս օժանդակ բայերի ժխտական ձևերի հետ և գործածվում է պայմանական եղանակի ապառնի և անցյալի ապառնի ժամանակների ժխտական ձևերի կազմության մեջ:

Խ Ո Ն Ա Ր Հ Ո Ւ Մ

Բայն ունի հինգ եղանակ՝ սահմանական, ըղձական, պայմանական, հարկադրական և հրամայական: Սահմանական եղանակն ունի յոթ ժամանակ՝ ներկա, անցյալի անկատար, վաղակատար, անցյալի վաղակատար, հարակատար, անցյալի հարակատար և անցյալ կատարյալ: Անցյալ կատարյալից բացի, բոլոր ժամանակները կազմվում են դերբայով և օժանդակ բայով:

Օժանդակ բայի ներկայի ձևերն են՝ էմ, էս, ա, էնֆ, էֆ, էն, անցյալինը՝ ի, իր, էր, ինֆ, իֆ, ին:

Սահմանական ներկա և անցյալ անկատար ժամանակները կազմվում են անկատար դերբայով և օժանդակ բայի ներկայի և անցյալի խոնարհված ձևերով:

Օժանդակ բայի ներկայի և անցյալի խոնարհված ձևերը, միանալով վաղակատար և հարակատար դերբայներին, կազմում են վաղակատար, անցյալի վաղակատար, հարակատար, անցյալի հարակատար ժամանակներ:

Սահմանական եղանակի ապառնի և անցյալ ապառնի ժամանակների իմաստն արտահայտվում է հարկադրական եղանակի ապառնի և անցյալի ապառնի ժամանակների միջոցով. այսպես՝ պրտի էթամ, պրտի էթայի ձևերը նշանակում են զնալու եմ և պիտի զնալ:

Ապառնու իմաստն արտահայտվում է նաև սահմանական եղանակի ներկա ժամանակի միջոցով. ինչպես՝ էքուց էթրմ էմ շրհարը «վաղը ղնալու եմ քաղաք»:

Ըղձական, պայմանական և հարկադրական եղանակներն ունեն ապառնի և անցյալի ապառնի:

Ըղձական եղանակի ապառնի և անցյալի ապառնի ժամանակները կազմվում և խոնարհվում են արդի հայերենի ըղձական ապառնի և անցյալի ապառնի ժամանակների նմանությամբ:

Պայմանական եղանակի ապառնին և անցյալի ապառնին կազմվում են ըղձական ապառնուց և անցյալ ապառնուց՝ կը եղանակիչի ավելացումով. ինչպես՝ կ'էփէմ, կ'էփի և այլն:

Հարկադրական եղանակի ապառնին և անցյալի ապառնին կազմվում են ըղձական ձևերին ավելացնելով պրտի եղանակիչը:

Հրամայական եղանակի եզակի թվի վերջավորություններն են՝ ի, ա, իսկ հոգնակիինը՝ էֆ, ացէֆ:

Բայն ունի չորս խոնարհում.

Առաջին խոնարհման բայերը անորոշ դերբայում ունեն իլ վերջավորություն. դրանք կազմությամբ պարզ բայեր են. ինչպես՝ պէրիլ, կրրիլ, էփիլ, թաղիլ «ծծել», կօղրիլ և այլն:

Ծրկրորդ խոնարհման պատկանող բայերը անորոշ դերբայում ունեն ավ Վերջավորությունը. օրինակ՝ աղալ, ըրէվալ և այլն:

Առաջին խոնարհման բայերից սրանք տարբերվում են նրանով, որ վա-ղակատար, հարակատար և ենթակայական դերբայները կազմվում են անց-յալի հիմքից: Հրամայական եղանակի եղակին կաղմվում է ներկայի հիմքից՝ ա Վերջավորությամբ, իսկ հոգնակին՝ անցյալի հիմքից՝ էք Վերջավորությամբ:

Ծրկրորդ խոնարհման ենթարկվում են ենթաբարբառիս առաջին՝ ի խոնարհ-ման միջմասնիկավոր բայերը, որոնք անորոշ դերբայում ստանում են նիլ Վերջավորությունը, օրինակ՝ հէձնիլ, մէոնիլ, հաքնիլ և այլն: Այս բայերի անցյալ կատարյալում, ինչպես և նույնի հիմքով կաղմված հարակատար և վաղակատար դերբայներում ու հրամայական եղանակում ընկնում է Թ ածանցը, իսկ անցյալ կատարյալը կաղմվում է ոչ ցոյական՝ արմատական հիմքով:

Բացի նիլ Վերջավորվող բառերից, նույն կերպ խոնարհվում է նաև տէնալ բայը, որը կաղմվել է տեսանէլ ձևից՝ ս սուլական բաղաձայնի անկումով և ի լծորդությունը ա-ի փոխելով, որի փոփոխությունը, սակայն, խոնարհման փոփոխության պատճառ չի դարձել:

Չորրորդ խոնարհման ենթակա բայերը աճ և էճ սոսկածանցներն ունեն: Անորոշ գերբայը Վերջավորվում է աճալ ածանցով, օրինակ՝ քըչանալ, փէ-ղանալ, ունէնալ:

Այս բայաձևերի խոնարհումը ա խոնարհման պարզ բայերից տարբեր-վում է նրանով, որ անցյալ կատարյալում և նրա հիմքից կաղմվող ձևերում ածանցի ճ-ն փոխվում է ց-ի, օրինակ՝ զարմանալ, զարմացա, զարմացած, զարմացի, ունէնալ, ունէցա, ունէցի և այլն:

Աճալ Վերջավորվող բայերի անցյալ կատարյալը ցոյական է, իսկ Վերջա-վորությունները՝ կրավորաձև: Բացառություն է լվանալ բառը, որի Վերջավո-րությունն անցյալ կատարյալում ներդորժաձև է:

Օրինակ՝ լրվանալ, լրվացի, լրվացիր, լրվացիք և այլն:

ԺԽՏԱԿԱՆ ԽՈՆԱՐՀՈՒՄ

Օժանդակ բայի ժխտական ձևերը ենթաբարբարումս հետևյալներն են.

Ներկա	Անցյալ
չէմ չէնք	չիմ չինք
չես չէք	չիք չիք
չի չէն	չէք չին

Բաղադրյալ ժամանակների ժխտականը կաղմվում է օժանդակ բայի ժխտական ձևերով, որոնք դրվում են դերբայից առաջ: Օրինակ՝ նըստըմ էմ— չէմ նըստըմ, նըստըմ ի — չի նըստըմ, կընացէլ էմ — չէմ կընացէլ և այլն: Բացառություն են հարակատար ժամանակները, որոնց ժխտականը կաղմվե-լիս օժանդակ բայը դրվում է դերբայից հետո, ինչպես՝ կարմրրած ա, կար-մըրած չի, կաղնած էմ, կաղնած չէմ և այլն:

Անցյալ կատարյալի, ինչպես և ըղձական եղանակի ժխտականը կաղմվե-լիս չ մասնիկը դրվում է խոնարհված բայաձևերի սկզբում. օրինակ՝ կընա-ցի — չըկընացի, կ'էրա — չըկ'էրա, էթամ — չէթամ, ուտէմ — չուտէմ և այլն:

Հարկադրական եղանակի ժխտականը կաղմելիս, չ մասնիկը դրվում է կամ եղանակիչի, կամ շխոնարհվող բայի վրա, ինչպես՝ պրաի էթամ — չը-պրտի էթամ, կամ՝ պրտի չէթամ, պրտի խօսամ — չըպրտի խօսամ, կամ՝ պրտի չըխօսամ:

Պայմանական եղանակի ժխտականը կաղմվում է ժխտման դերբայի և օժանդակ բայի ժխտական ձևերի միջոցով՝ վերջինիս նախադաս զործածու-թյամբ: Օրինակ՝ կրնեստէմ — չէմ նրստի և այլն:

Հրամայականի ժխտականը կաղմվում է մի արդեւականի միջոցով, որը դրվում է դրական ձևերից առաջ. օրինակ՝ կըրի — մի՛ կըրի:

ՊԱՏՃԱՌԱԿԱՆ ԲԱՅԵՐ

Պատճառական բայերը կաղմվում են բայահիմքին ավելացնելով ագրն, ցրն մասնիկները: Ագրն մասնիկը ավելանում է ալ, իլ լծորդություն ունեցող բայերի հիմքին, ինչպես՝ խօսալ — խօսացընիլ, ուտիլ — ուտացընիլ, վա-պիլ — վազացընիլ և այլն:

Ցրն մասնիկն ավելացվում է ն սոսկածանց ունեցող բայերի վրա, ինչ-պես՝ մէոնիլ — մէոցընիլ, հասնիլ — հասցընիլ, հաքնիլ — հաքցընիլ և այլն:

Պատճառական բայերը մեծ մասամբ խոնարհվում են առաջին խոնարհ-ման բայերի նման:

ԿՐԱՎՈՐԱԿԱՆ ԲԱՅԵՐ

Բայի կրավորական սեռը կաղմվում է ներգործական սեռի բայերի վրա ավելացնելով վ ածանցը, որը միանում է ի խոնարհման բայերի ներկայի և ա խոնարհման բայերի անցյալի հիմքին, ինչպես՝ կօղրիլ — կողըրվիլ, պատրիլ — պատրովիլ, կառթալ — կառթացվիլ և այլն:

Կրավորական բայերը հանդես են դալիս նաև անդրադարձ և փոխադարձ իմաստներով, ինչպես՝ սանդրովիլ, լըվացվիլ և այլն:

ԲԱԶՄԱՊԱՏԿԱԿԱՆ ԲԱՅԵՐ

Բազմապատկական բայերը կաղմվում են երկու ձևով՝ ա) բայարմատի կրկնությամբ, բ) օտ, ըշտ, օր, ատ, ըոտ ածանցների միջոցով:

Բայարմատի կրկնությամբ կաղմվում են մի շարք բազմապատկական բայեր, որոնց արմատական ձայնավորները, բացի ը-ից, կրկնվելիս հնչյու-նափոխվում են. այսպես՝ կօռալ — կօռկըռալ, ծախիլ — ծախծըխիլ, ծամիլ — ծամծըմիլ և այլն:

Երեք բաղաձայնով կաղմված բայարմատները կրկնվելիս կորցնում են վերջին բաղաձայնը. այսպես՝ բրոթիլ — բրոբըոթիլ, լրխկալ — լըխլըխկալ և այլն:

Բացառություն է՝ դրնդալ — դրնգդրնգալ:

Բազմապատկական բայերը մեծ մասամբ կաղմվում են օտ ածանցի միջոցով. ինչպես՝ թափօտէլ, խէխտօտէլ, ծալօտէլ և այլն:

Մնացած ածանցներն ունեն սահմանափակ զործածություն, դրանք ար-տահայտում են գործողությունը սաստկացնող իմաստ. օրինակ՝

ա) օր. դադիլ — դադդդիլ, դադդդդիլ;
բ) ամ. ճըդիլ — ճըդճըդիլ — ճըդճըդաաիլ (ճազուստը). օտ. ճը-
դիլ, ճըդճըդիլ — ճըդճըդօտիլ (ջախը), փռլ կալ — պըլպըլիլ — պըլպըլօտիլ:

МОРФОЛОГИЧЕСКИЕ ОСОБЕННОСТИ КАНАКЕРСКОГО ГОВОРА

А. С. ХАЧАТРЯН

Р е з ю м е

В статье дается краткое описание морфологических особенностей канакерского говора араратского диалекта.

Установлено, что в указанном говоре множественное число существительных образуется при помощи окончаний *էր* (ег), *նէր* (нер), *ր* (к').

Качественные прилагательные имеют три степени сравнения: положительную, сравнительную и превосходную. Канакерский говор не имеет порядковых числительных. Глаголы, выражающие многократное действие, образуются с помощью сочетания количественных числительных со словом *ճէտ*. Неопределенная форма глагола имеет окончания *իլ*, *ալ*. Глагол имеет четыре формы спряжения. Глаголы первого спряжения имеют окончание *իլ*, второго — *ալ*, а глаголы третьего и четвертого спряжений являются внутрисуффиксальными.

Причинные глаголы образуются с помощью суффиксов *աջըն*, *ջըն*, страдательные глаголы суффикса *վ*, а глаголы, выражающие многократное действие, в большинстве случаев, при помощи суффикса, *օտ*.